



Adresa: **UI Hamdije Čemerlića 39 A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-191-8/26**
Datum: **24.06.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica „POBJEDA RUDET” d.d. Goražde, za izdavanje prethodne vodne saglasnosti za ispuštanje tehnoloških otpadnih voda nakon tretmana i to za I fazu tretmana, koja obuhvata destrukciju inicijalnih eksploziva iz postojećeg i dograđenog objekta A73/2, te za II fazu odvodnje, tretmana i ispuštanja otpadnih voda koje ne sadrže eksplozivne čestice u objektu A73/4 - postrojenja za tretman tehnoloških otpadnih voda, u krugu zakonitog posjeda „POBJEDA RUDET” d.d. Goražde, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o prethodnoj vodnoj saglasnosti**

1. Daje se prethodna vodna saglasnost pravnom licu „POBJEDA RUDET” d.d. Goražde, za ispuštanje tehnoloških otpadnih voda nakon tretmana, i to za I fazu tretmana, koja obuhvata destrukciju inicijalnih eksploziva iz postojećeg i dograđenog dijela objekta A73/2, te za II fazu odvodnje, tretmana tehnoloških otpadnih voda koje ne sadrže eksplozivne čestice u objektu A73/4 - postrojenju za tretman tehnoloških otpadnih voda i ispuštanja prečišćenih otpadnih voda u recipijent Trešnjevački potok, u krugu zakonitog posjeda „POBJEDA RUDET” d.d. Goražde, u ulici 1. slavne višegradske brigade bb., Goražde, na zemljištu označenom kao k.č. 3523/1 i dio parcele 3519/1, K.O. Podhranjen.
2. Prethodna vodna saglasnost može se koristiti isključivo za potrebe izdavanja okolinske dozvole, urbanističke saglasnosti i u postupku izdavanja koncesije na vodama i vodnom dobru ukoliko je isto predviđeno zakonom o koncesijama.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uvjetima:
 - 4.1. Izraditi i revidovati investiciono tehničku dokumentaciju o načinu prikupljanja, tretmana i ispuštanja svih tehnoloških otpadnih voda iz objekta A73/2 i A73/4 - postrojenje za tretman tehnoloških otpadnih voda, u definisani recipijent. Investiciono-tehnička dokumentacija mora biti urađena na nivou projekta za pribavljanje odobrenja za građenje, a sve u skladu sa važećim zakonom o građenju.
 - 4.2. Projektna dokumentacija koja se odnosi na oblast voda treba biti urađena od strane pravnog lica koje ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») i treba da obradi sva pitanja definisana članom 3. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), koja su bitna za konkretan slučaj, a naročito:
 - Proračun potrebnih količina vode za namjenu predmetnog objekta (količine tehnološke vode, potrebne količine vode za čišćenje i održavanje radnih površina, mašina i uređaja, manipulativnog prostora, i sl.).
 - Da se definišu mjesta nastajanja kao i da se prikaže proračun količina i sastava tehnoloških otpadnih voda koje će se tretirati na predmetnom postrojenju, drugih opasnih i štetnih materija koji će nastajati kao posljedica rada postrojenja za tretman tehnoloških otpadnih voda.
 - Da se obradi odgovarajuće rješenje za konačno zbrinjavanje mulja iz postrojenja za prečišćavanje tehnoloških otpadnih voda u skladu sa važećim okolinskim propisima.

- Projektnom dokumentacijom obuhvatiti i situativno prikazati cjelokupan lokalitet sa objektima i sistemom za prikupljanje, prečišćavanje i ispuštanje otpadnih voda, definisati tačan položaj/lokaciju objekta u odnosu na vodotok i vodno dobro, izvorišta vode za piće, saobraćajnice i druge korisnike voda.
 - Posebno obraditi način skladištenja i pretakanja hemikalija kao i svih sirovina koje će se koristiti u postupku izgradnje i rada predmetnih objekata, vodeći računa o primjeni mjera za prevenciju i smanjenje njihovog negativnog uticaja na podzemne i površinske vode,
 - Projektnom dokumentacijom predvidjeti reviziono okno u kome će se vršiti monitoring prije ispuštanja prečišćenih otpadnih voda u prirodni recipijent.
 - Projektnom dokumentacijom obraditi mjere zaštite trase cjevovoda i lokacije objekta za tretman tehnoloških otpadnih voda od eventualnog plavljenja odnosno štetnog djelovanja voda Podhranjenskog i Trešnjevačkog potoka.
 - Predmetni objekat ne smije biti u koliziji sa površinskim vodama (unutar granica vodnog dobra ili u plavnom području) bez predviđenih mjera i zaštitnim zonama izvorišta vode za piće.
 - Projektnom dokumentacijom predvidjeti ugradnju mjernih instrumenata za mjerenje stvarnih količina ispuštene vode.
 - Usvojenim sistemom prečišćavanja tehnoloških otpadnih voda mora se obezbijediti kvalitet efluenta u skladu sa propisanim graničnim vrijednostima emisije u prečišćenoj vodi, propisanim u tabeli 1.1. kolona 3. Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- 4.3. Samo oborinske vode sa krovova se mogu bez prečišćavanja upustiti u recipijent.
 - 4.4. Lokacija predmetnog objekta treba biti usklađena sa ostalom infrastrukturom (elektro, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost vlasnika infrastrukturnih objekata ili organizacije koja njima upravlja.
 - 4.5. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
 - 4.6. Kod izrade projektne dokumentacije sagledati mogućnost štetnog djelovanja površinskih voda i predvidjeti eventualne mjere zaštite a u skladu sa članom 85. Zakona o vodama.
 - 4.7. Ne dozvoljava se direktno ispuštanje otpadnih voda u otvoreni vodotok, kao ni upuštanje ovih otpadnih voda preko upojnog bunara u tlo vodeći računa da se ove otpadne vode ne smiju disponirati u područje vodozaštitnih zona.
 - 4.8. Nakon ishodovanja Rješenja o urbanističkoj saglasnosti od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
 - 4.9. Ovo Rješenje o prethodnoj vodnoj saglasnosti Investitor će koristiti u postupku dobijanja urbanističke saglasnosti i ona definiše sve uslove koje projektna dokumentacija treba ispuniti sa aspekta voda u skladu sa Zakonom o vodama.
 - 4.10. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja, u kojem roku se podnosilac zahtjeva treba obratiti za izdavanje vodne saglasnosti, u skladu sa članom 111. stav 3. Zakona o vodama.
 - 4.11. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 - 4.12. Ova prethodna vodna saglasnost se može izmijeniti ukoliko nastupe razlozi utvrđeni u članu 130. stav 1. tačka 1), 2), 3) ili 4) Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „POBJEDA RUDET“ d.d. Goražde podnijelo je zahtjev broj: 3994/26 od 05.05.2026. godine za izdavanje prethodne vodne saglasnosti za ispuštanje tehnoloških otpadnih voda nakon tretmana, koji obuhvata I fazu tretmana gdje će vršiti destrukcija inicijalnih eksploziva iz postojećeg i dograđenog objekta A73/2, te II fazu odvodnje i tretmana voda u objektu A73/4 - postrojenju za tretman tehnoloških otpadnih voda koje ne sadrže eksplozivne čestice sa ispuštanjem tretiranih otpadnih voda u Trešnjevački potok, u krugu zakonitog posjeda „POBJEDA RUDET“ d.d. Goražde, u ulici 1. slavne višegradske brigade bb., na zemljištu označenom kao k.č. 3523/1 i dio parcele 3519/1, K.O. Podhranjen.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra, broj: 045-0-Reg-Z-26-000109 od 09.04.2026. godine, izdato od Općinskog suda u Goraždu- ovjerena kopija,
- Ovjerena kopija Uvjerenja o poreskoj registraciji izdatog od Porezne uprave Kantonalni ured Goražde od 23.10.2024. godine,
- Uplatnica za upravnu taksu u iznosu od 80,00 KM,
- Zemljišnoknjižni izvadak broj uložka 4 broj: 045-0-NAR-26-001252 od 20.04.2026. godine izdat od strane Općinskog suda u Goraždu-ovjerena kopija,
- Kopija katastarskog plana broj: 07-26-3-216/2026-1 od 20.04.2026. godine izdata od strane Službe za geodetske, imovinsko-pravne poslove i katastar nekretnina, Grad Goražde,
- Mišljenje broj: 09-19-113-1/26 od 18.03.2026. godine dato od Ministarstva za urbanizam, prostorno uređenje i zaštitu okoline, Bosansko-podrinjski kanton Goražde,
- Mišljenje broj: 04-21-653-1/6 od 09.04.2026. godine izdatom od Ministarstva privrede Bosansko-podrinjskog kantona Goražde,
- Studija za prethodnu vodnu saglasnost u elektronskoj formi.

B. Tehnička dokumentacija

- Studija za prethodnu vodnu saglasnost za dogradnju objekta A73/2 i cjevovoda za transport tehnoloških otpadnih voda i objekta za tretman tehnoloških otpadnih voda, investitora „POBJEDA RUDET“ d.d. Goražde, urađena od strane „SENDO“ d.o.o. Sarajevo, april 2026. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 01.06.2026. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 02.06.2026. godine. U datom roku nije bilo pisanih izjašnjenja o planiranim aktivnostima iz zahtjeva. Na osnovu objave, oglašavanja u dnevnom listu „Oslobođenje“ investitor je na osnovu Zaključka o visini i roku za plaćanje posebnih troškova broj: UP-1/21-1-40-191-6/26 od 18.06.2026. godine uplatio iznos po računu BF 933 dostavljen od „O Media“ d.o.o., za troškove obavješćavanja javnosti putem oglasa.

Nakon uvida u dostavljenu dokumentaciju utvrđeno je sljedeće:

Lokacija za dogradnju objekta za proizvodnju inicijalnih smješa oznake A73/2 nalazi se u okviru prostora na kojem su smješteni objekti iste tehnološke cjeline, na parceli koja se u katastru vodi kao k.č. 3523/1, K.O. Podhranjen, te na dijelu parcele k.č. 3519/1 K.O. Podhranjen.

U objektu interne oznake A73/2 trenutno se vrši sinteza inicijalnog eksploziva PR-AA (olovo azid, PR-OK (olovo krezolat) i PR-HEM (hemijska usporivačka smješa). Izmjenom režima tehnoloških operacija u ovom objektu planirana je proizvodnja dodatna dva inicijalna eksploziva uz postojeću proizvodnju PR-AA, a to su diazodinitrofenol (DDNF) i niki hidrazin nitrat (NHN). Također je planirana proizvodnja natrijum pikramata, sirovine za potrebe proizvodnje DDNF-a.

Za transport tehnoloških otpadnih voda iz postojećeg i dograđenog objekta za proizvodnju inicijalnih smješa interne oznake A73/2 do objekta za tretman istih planirana je izgradnja potisnog cjevovoda uz

obalu Trešnjevačkog potoka. Na dionici gdje cjevovod prolazi ispod saobraćajnice planiran je podzemni cjevovod. Dužina cjevovoda je cca 105 m.

Objekat za tretman tehnoloških otpadnih voda lociran je na parceli koja se u katastru vodi kao k.č. 3523/1 K.O. Podhranjen na udaljenosti 100 m od objekta za proizvodnju inicijalnih smješa. Na objektu za tretman će se tretirati otpadne vode koje nastaju u postojećem i dograđenom objektu za proizvodnju inicijalnih smješa.

Nastale tehnološke otpadne vode iz postojećeg i dograđenog objekta za proizvodnju inicijalnih smješa interne oznake A73/2 će se tretirati u dvije faze. Prva faza tretmana će se odvijati u postojećem i dograđenom objektu A73/2 gdje će se izvršiti potpuna destrukcija inicijalnih eksploziva.

U dograđenom dijelu objekta A73/2 planirani su sljedeći tretmani otpadnih voda: destrukcija azidnog jona, destrukcija nitrata, destrukcija diazodinitro fenola, destrukcija natrijum pikramata, destrukcija tehnološke otpadne vode nakon pranja posuda od hemijske usporivačke smjese, destrukcija tehnološke otpadne vode-tretman tehnološke otpadne vode zaostale nakon pranja posuda od olovo krezolata, tretman tehnoloških otpadnih voda brizantnog eksploziva i destrukcija tehnološke otpadne vode iz pogonskih laboratorija.

Nakon prve faze tehnološka otpadna voda se cjevovodom odvodi na objekat A73/4 gdje se vrši II faza tretmana tehnoloških otpadnih voda (nakon što se izvrši potpuna destrukcija eksploziva u objektu A73/2).

Tehnološki proces tretmana u objektu A73/4 će obuhvatiti sljedeće faze: prihvatanje otpadne vode u bazen za neutralizaciju, neutralizacija do pH 6-7 i oksidacija organskih komponenti, prebacivanje otpadne vode iz bazena za neutralizaciju u bazen za taloženje, taloženje teških metala (Pb^{2+} , Ni^{2+}), filtracija taloga na filter presi, prikupljanje i privremeno skladištenje taloga, obrada filtrata koja može uključiti evaporaciju, finalni tretman jonoizmjenjivačkim kolonama (pješčani filter, kationska jonoizmjenjivačka kolona, anionska jonoizmjenjivačka kolona) i finalno podešavanje pH vrijednosti.

Nakon tretmana, tretirana otpadna voda će se preko okna za monitoring a u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24), ispuštati u recipijent - Trešnjevački potok a potom u Podhranjski potok.

Objekti nisu planirani u zonama sanitarne zaštite izvorišta vode.

U studiji su navedeni podaci da će kota platoa (prizemlja) dogradnje objekta A73/2 biti viša 4,09 metara od kote velikih voda Trešnjevačkog potoka, tako da objekat neće biti pod uticajem velikih voda ranga pojave Q1/100. Dogradnja objekta je planirana na udaljenosti 4,70 metara od granice parcele javnog dobra.

Čvrsti otpad-talog iz procesa tretmana tehnoloških otpadnih voda na objektu A73/4 će se odlagati u vodonepropusne posude do konačnog zbrinjavanja. Zbrinjavanje će se vršiti putem ovlaštene firme.

Planirani zahvat izgradnje trase cjevovoda i objekta za tretman tehnoloških otpadnih voda se nalazi neposredno uz katastarsku parcelu k.č. 4173 K.O. Podhranjen koja je u zemljišno knjižnom izvatku označena kao javno vodno dobro - Trešnjevački potok.

U aktu - Mišljenje broj: 04-21-653-1/6 od 09.04.2026. godine, izdatom od strane Ministarstva privrede Bosansko-podrinjskog kantona Goražde, je navedeno da za vodotok II kategorije-Trešnjevački potok nije doneseno Rješenje o određivanju granica vodnog dobra i u skladu sa članom 12. stav 1. tačka 6 Zakona o vodama, na vodnom dobru je dozvoljena gradnja objekata namijenjenih zaštiti voda od zagađenja te u skladu sa navedenim, mišljenja su da se privrednom društvu Pobjeda-Rudet d.d. Goražde može dozvoliti izvođenje predmetnih zahvata.

U istom aktu je navedeno da je uvidom u dokument „Kantonalni operativni plan odbrane od poplava - KOP BPK Goražde („Službene novine Bosansko-podrinjskog kantona Goražde“, broj: 7/13), Knjiga 2-Tehnički prilozi KOP-a, utvrđeno da se trasa cjevovoda namijenjenog za odvodnju tehnoloških otpadnih voda i lokacija na kojoj je planirana izgradnja objekta za tretman tehnoloških otpadnih voda djelimično nalaze u obuhvatu poplavnog područja Podhranjskog potoka, između profila P8 i P9. Imajući u vidu navedeno, je dat uslov u dispozitivu rješenja da se projektnom dokumentacijom obrade mjere zaštite trase cjevovoda i lokacije objekta za tretman tehnoloških otpadnih voda od eventualnog plavljenja odnosno štetnog djelovanja voda Podhranjskog i Trešnjevačkog potoka.

Osnovni podaci za dogradnju objekta A73/2, izgradnju trase cjevovoda i objekta A73/4 - postrojenja za tretman tehnoloških otpadnih voda i sam proces definisan je u Studiji za prethodnu vodnu saglasnost za dogradnju objekta A73/2 i cjevovoda za transport tehnoloških otpadnih voda i objekta za tretman tehnoloških otpadnih voda, investitora „POBJEDA RUDET“ d.d. Goražde, urađena od strane „SENDO“ d.o.o. Sarajevo, april 2026. godine.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 4. dispozitiva rješenja, shodno odredbama Zakona o vodama, odredbama Pravilnika o sadržaju, obliku, uslovima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije, propisani uslovi koje je Investitor dužan ispuniti prilikom izrade projektne dokumentacije, a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- „Pobjeda-Rudet“ d.d. Goražde, 1. slavne višegradske brigade bb, 73000 Goražde
- ☒ AVP Sava ISV-Vodna knjiga
- Sektor 40-arhiva
- Oglasna tabla AVP Sava, Sarajevo